

Observationes

In Vitam S. Heimeradi.

Hartvigo, cui Acta B. Heimeradi nuncupat *Egbertus*, vigesimus secundus à S. Lullo Abbas *Herveldensi* praeuit Archisterio, *Ruotbaro* Abbati XXI, anno *MCLXXII* 3 Idus Decembris ultrò abdicanti protinus successor datus, ceu tradit *Lambertus Monachus Herveldensis*, vulgò *Schafnaburgensis* dictus, qui annales suos à 7. *Lipso* laudatos ad annum usq; 1077 electionemq; *Rudolfi* Regis produxit, atque cum hoc *Egberto* sub communi Abbate *Hartvigo Herveldia* vixit. Post *Egbertum*, primum Vitæ B. Heimeradi scriptorem, nunc primū è MS. codice *Bodecensi* erutum, ejusdem Sancti Acta versibus etiam descripsit *Erinherus*, laudatus ab *Horrione* in *Panegyrico Paderbornensi*. *Broverus* Scholijs in *Meinvercum* num. 70 pag. 218 testatur Vitam B. Heimeradi extare *Mstam* in Collegio Soc. Jesu *Paderbornensi*. *Daniel Papebrochius* S. 7. in comment. ad vitam S. *Hildegundis virginis Cisterien.* a. d. *XX Aprilis* n. 3. laudat illustrem codicem MS. qui Collegij *Paderbornensis* quondam fuerit, contineatq; , præter alia Sanctorum Acta, Vitam devoti presbyteri *Heimeradi* in *Hasingun*. Num verò idem is sit MS. codex, quo *Horrion* est usus, quemq; vidit *Broverus*, id equidem ignoro.

Num. VII. *Herveldensis* Abbas *Arnoldus*.] Is anno 1012 successit S. *Godeharo*, qui senio & labore
jann

jam fessus, Herveldense regimen præclaro viro Arnol-
do, suo prius eo loci Præposito, commendavit. Lamb.
Schafn. & S. Godehardi Acta cap. 2. num. 15.

Ibid. Mimilebo] *Mimelicha* Lamberto ad an. 973.
Ursbergenſi *Hiemelevva* in *Henrico Aucupe*, & in
Ottone M. *Numilevva*, utrobique mendosè; & in
Actis S. *Mathildis* c. 2. n. 9. *Momleben*. At *Ditmarus*
Mersburg, lib. I. pag. 10. edit. Mader. scribit *Henri-*
cum Aucupem anno ætatis suæ 60. regni 16, 6 Non.
Julij anno 976 in *Miminlevo* defunctum. Idem
Ditmarus tradit. sub finem libri secundi ad annum
973, *Ottonem M.* feria tertia ante Pentecosten ad
Mimmeleben venisse, ibidemque postridie, feriã
quarta, Nonis *Maji* diem extremum clausisse. Se-
quenti verò nocte viscera ejus soluta in Ecclesia S. *Ma-*
rie fuisse tumultata; corpus autem aromatibus condi-
tum *Parthenopolim* translatum. Non igitur obiit *Otto*
I, Imp. *Magdeburgi*, ceu *G. Henschenius* annotat *lit. c.*
ad secundam vitam S. *Adelberti Ep.* num. 4, die 23 *A-*
prilis. Post hæc *Otto II* Imp. pia genitricis suæ *Adel-*
heidis instinctu cujus gubernaculo vivebat, *Mimile-*
ve, ubi pater suus obiit, justo acquisivit concambio; de-
cimasque quæ ad *Heresfeld* pertinebant. Et congrega-
tis ibi *Monachis*, liberam fecit *Abbatiam*: datisque
sibi rebus necessarijs, Apostolico confirmavit privilegio,
Ditmarus principio libri III. Quæ hic de justo con-
cambio scripsit *Ditmarus*, illustrari possunt ex diplo-
mate *Otonis I* Imper. dato *Valahuse* ad *Helmann-*
annem, anno 980 *Indict. 3*, 17 Kal. *Octobr.* quo *Liu-*

dolfus Abbas Corbeienfis per manum Advocati fui Lindolfi, duas marcas Meginrichesdorf, & Mimilevu dictas, in pago Haffegorve, & in comitatu Sigifridi Comitís fitas, cum omnibus rebus illuc rite pertinentibus in mancipijs utriusque sexús, adificijs, arvis, agris, pratis, silvis &c. Ottoni Imperatori in proprium concedit; ac viciffim à Cæfare accipit in jus Ecclefie Corbeienfis, quicquid Imperator habuit in villis Budineveldun, Brungeringhuson, Lellibechi, Rehon, Corbechi, & in Halegehuson dictis, in pago Nihherse, & in Comitatu Afichonis Comitís fitis; per manum Liutgeri Advocati Ottonis Imp. Ditmar. lib. 7. iterum de hoc loco: Notandum quoque, & non absque fingultu proferendum, quòd Monasterium in Mimileve constitutum à libertate diu corroboratè in fervitutem redactum est. Deposito namque ejusdem Cœnobij Abbate Reinoldo, dispersisque latè confratribus his, Heresfeldensi Ecclesia, ejusque tunc Provisor Arnoldo illud subditum est, anno MXVI, ad quem hæc etiam refert Chron. MS. Saxonie. Eâ igitur occasione Arnoldus Abbas B. Heimeradam inventum in Mimilebo transmiffit Hersfeldiam, unde tamen post brevem moram malè multatus discessit. Situm fuit Mimileba Cœnobium in Thuringia ad Unstrum fluvium, Ursbergensi Instruot; Gobelino et. 5. c. 11. & et. 6. c. 55, Unstroth dictum. Agit de Cœnobio Memmleben Bucelinus noster Germ. sacra parte 2. pag. 60. Verùm per incogitantiam istic tribuit Ottoni II Imp. quæ Ditmarus scripsit de Ottone I. Et in parte altera Monasteriologia pag. 235 Mimilebensem.

Wenssem Abbatiam appellat. quæ eadem est cum hac nostra *Mimileba*, cujus Abbatem *Reinholdum* quaeritur *Ditmarus* ad eam Cœnobio libertate depositum.

Cap. X. Episcopus *Meginwerc*.] Quo modo *Meinovercus Heimeradum*, quod veste parum huiusmodi amictus esset, contumeliosis primò compellationibus castigatum verberibus etiam cædi iusserit, habes in Actis *B. Meinoverci* Num. XVIII. pag. 22. Quando verò *Henricus Imp.* cum *Cunigunda* Augustâ Paderbornæ fuerit, docebunt te *Monumenta Paderbornensia* pag. 180.

Num. XI. Abbas *Hersfeld. Arnoldus*.] Chronologus *Hildesheimensis* rem sic narrat ad annum 1031: *Arnolfus Pater Monasterij Herveldensis præcipuus in divinis & humanis rebus, quorundam fratrum eo loci cujusdam criminis objectione accusatus, miserabiliter proprio est honore privatus. Et ad annum 1032: Arnolfus Abbas Herocampie V Kalendas Januarij obiit, & ad Gellinga sepultus, ubi tunc gratia manendi habitavit. Sed inde post tres dies eandemque noctes deductus, & de terra effossus, ex præcepto *Rudolfi* sui successoris, *Herveldia* in Ecclesiâ *S. Michaelis* est translatus. Porro monasteriolum *Gellingen* situm fuit in *Thuringia*, ut *Lamb. Schafnab.* ad an. 1032: qui etiam *Monasterium Herveldense* anno 1037 incensum scribit; in quo tamen anno sequenti sepultus memoratur *Hagano* Diaconus Regis Capellanus, XX Kal. Martii mortuus, teste *chron. Hildesheim.* De Abbatia *Herveldensi* legendus *Bucelinus.* & *Lambert. Schafn.**

Num.

428 OBSERVAT. IN VITAM

Num. XII. *Hafungen*,] Mons *Haffiæ* vastè projectus in altum, in quo à morte *S. Heimeradi* templum molitus est *Aribo Archiep. Mogunt.* colophonem addidit *Sigefridus*, è *Fuldensi* Abbate Archiepiscopus itidem *Moguntinus*, & cœtum *Monachorum* ibidem aggregavit; qui deinde, quòd *S. Gregorij VII Pont. Max.* partes contra *Henricum IV Imp.* schismaticum defenderent, exilio multati *LXX* numero, & à *S. Vilhelmo* *Hirsaugienfi* Abbate (qui è suis primam *Monachorum* coloniam in *Hafungen* deduxerat) benignè omnes excepti habitiq; sunt, donec tempestas illa desævissset. Anno 1071 *Otto* *Saxonici* sanguinis princeps *Bavariæ* ducatu per calumniam exutus, bello civili montem *Hafungen* occupavit, eumq; natura situq; satis munitum, munitiorem tamen manu & opere fecit, *Lamb. Schafn. Sigefridus Archiep. Moguntinus obiit in Thuringia, & apud Hafungen sepelitur*, *Chron. Hildesh. Wirzburgense Baluzij*, & *MS. Saxon.* ad an. 1084; quo & *Nicol. Serarius* ex *MS. codice* tradit *Sigefridum* *Archiep.* in cœnobio *Hafungen* mortuum sepultumque.

Num. XIV. Comes *Dudecho*] Rem hanc habes etiam in *Actis B. Meinverci* pag. 22, & de *Comite Dodicone* vide *ibid.* pag. 47. In castro *Vvarbergenfi* fuit templum parochiale *S. Andreae Apostolo* sacrum, in quo anno 1351, in crastino beati *Dionysij & Sociorum* ejus, *Ioannes dictus Drenkere Presbyter* fundavit altare in honorem *Dei & S. Pauli Apostoli*, dotans illud cum octava parte decimarum in *VweiZungen*, quas emerat ab illis de *Wellede* pro centum & decem marcis, domum

num etiam ab iisdem compararat in castro *Wartberge* cum consensu *Baldevvini* Episcopi Paderbornensis, (cui jus patronatûs successoribusq; ejus obtulit,) nec non Decani & Capituli Eccl. Paderbornensis & *Joannis* Rectoris ecclesiæ *S. Andrea*, qui mediam oblationum partem percipiet, ceu habent tabulæ.

Num. XVI. Abbatem Corbejensem] *Drutmarum*. Vide quæ dixi pag. 366. Obijt an. 1046, ut *Lamb. Schafnab.*

Num. XVII. Visuri estis homines.] *Clara & celebris valde his temporibus per Gallias erat memoria sancti Seboldi in Nurnberg, & sancti Hemeradi in Hafsungen, & magno populorum concursu cotidie frequentabantur propter opitulationes, quæ divinitus illic languentibus sæpenumero conferebantur, Lamb. Schafnab. ad annum 1072.*

Num. XX. Villa Elhen.] Videtur esse *Elenen*, locus memoratus à *Lamb. Schafnab. ad an. 1075.*

Num. XXII. Quarto Kal. Julij.] *Hemerad Monachus in vigilia S. Petri obiit, & statim multas virtutes Dominus per eum operatus est, ut habent vetusti Corbejensiu Annal. ad an. MXIX; Trithem. quoq; Chron. Hirsaug. in S. Wilhelmo Abbate XII, S. Heimeradi obitum refert ad an. 1019. & 4 Kal. Julij. Adde Chron. Stederburgense, & W. Dilich. in Chron. Hassiæ ad an. 1019, Acta B. Meinverci num. LXI. pag. 105. Agunt etiam de S. Heimerado ad 28. diem Junij, Canisius, Molanus &c.*

Num. XXVIII. Meginfridum.] Is *Meginfridus Præfectus Magedaburgensis* pro libertate patriæ strenuè

430 OBSERVAT. IN VITAM

nuc̄ occubuit in prælio *Henricianos* inter & *Saxones* in loco *Fladeheim* decertato, an, ut Chron. MS. Saxon. 1080; ut *Hildesheimense*, 1079. Cœnobium *Hafungense* *Moguntinæ* diœcesis, exuvijs S. *Heimeradi* prodigijsq; olim percelebre, situm fuit in irriguo ac spatioso monte in confinio oppidi *Wolfshagen* in ditione *Hasso-Cassellanâ*. Primum huc *Abbatem Giselbertum*, primosq; *Alcetas*, teste *Trithemio*, ex archisterio suo *Hirsaugiensi* S. *Wilhelmus* Abbas transduxit, ut à me jam memoratum est; tametsi *Nicolaus de Sigen* cœnobij *Petrini Erfordix* olim Prior in excerptis suis chronicis ad annum *MLXXI* & alibi ex *Hafungensibus* monumentis annotatum reliquerit, *Cluniacenses* principiò *Monachos à Sigefrido* Archipræsule *Hafungam* adductos. Anno deinde decimifexti seculi quinto, (non, ut *Bucelinus* noster, decimo) in anniversario *Abbatum* conventu *Bursfeldiæ* a. d. *VII I* Kalend. *Septembris* indicto, *Joannes* Abbas, *Wilhelmo* *Hassix* Principe adsistente, se ac cœnobium *Hafungense* ad congregationem *Bursfeldensem* adjunxit, & ad *priscam Benedictinæ* *Regula* observantiam revocavit. Quod insigniter exinde floruit, donec *Hassix* *Principes* *Romana* *Sacra* eorumq; cultores ditione sua proscriberent: tunc enim pulsus *Monachis* cœnobij *Hafungensis*, uti & ceterorum ferè collegiorum, vectigalia proventusq; profanis usibus & arario Principis cesserunt. Hodie appellatur *Advocatia Hafungensis*, vulgò die *Bogtey* *Hafungen*.

FINIS.

Index